

Pigisanit pissarsiat nammineerluni nalunaarutigineqarnissaanut aamma pigisanit pissarsiat akileraarutaannik (KAS) akiliinissamut ilitsersuut

Pigisanit pissarsiat ilaasa akileraaruserneqartarnerat pillugu inatsit Inatsisartut 1. januar 2018-imi atuutilersippaat.

Tamanna pivoq Pigisanit pissarsiat ilaasa akileraaruserneqartarnerat pillugu Inatsisartut inatsisaatigut nr. 37, 23. november 2017-imeersukkut, Inatsisartut inatsisaatigut nr. 25, 28. november 2018-imeersukkut kingullermik allanngortinneqartukkut.

Inatsisit uani takuneqarsinnaapput www.inatsisit.gl

Kikkut akileraartussaataappat

Inuit Kalaallit Nunaannut tamakkiisumik akileraartussaataasut inuunermut sillimmasiissutinit soraarnerussutisiaqarnissamullu aaqqissuussinernit nunani allaniittunit, Danmarkimiittunit Savalimmiuniittunilluunniit iluanaarutit ilaasa akileraarutaannik akiliisussaataapput.

Iluanaarutinit akileraarut

Ukiumi aningaasarsiorfiusumi (qaammatisiutit malillugit ukiumi) aaqqissuussinermit iluanaarutit akileraarutaat 15,3%-iusoq landskarsimut akilernerqassaaq.

Pissarsiassaagaluq annaasanngorsimappat taanna aaqqissuussinermit tassannga ukiuni tulliuuttuni qulini iluanaarutinit ilanngaatigineqarsinnaavoq.

Iluanaarutit akileraaruserneqartussat tassaapput aaqqissuussinerup ukiup aningaasarsiorfiusup naanerani aningaasatigut nalingata, ukiup ingerlanerani tunniunneqartunik ilasap, aaqqissuussinerup ukiup aningaasarsiorfiusup allartinnerani aningaasatigut nalingata, ukiup ingerlanerani akilernerqartunik ilasap nakingassutaat.

Aammali Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni § 3 naapertorlugu naatsorsuinissaq toqqarneqarsinnaavoq. Naatsorsueriaaseq toqqarneqartoq matuma kingorna atorineqartartussanngusaaq.

Naammineerluni nalunaarutiginnineq aamma akiliineq

Pigisanit pissarsiat nammineerluni nalunaarsuiffimmi, ukiup tulliani kingusinnerpaamik 1. maj nassiunneqartussami allanneqassapput, iluanaarutinillu akileraarutaagallartumik akiliineq kingusinnerpaamik pissalluni nammineerluni nalunaarsuiffiup nassiunneqarnerata ilutigisaanik. Akiliutigineqartut aningaasat soraarnerussutisiaqarnissamut aaqqissuussinermit tiguneqartut atorlugit akilernerqarsimanersut akilernerqarsimannnginnersulluunniit nammineerluni nalunaarsuiffimmi nalunaarneqassaaq.

Akileraarutaagallartoq uunga akilernerqassaaq reg.nr. 6471 kontu 0001508196. Akiliinermi nalunaarneqassapput inuup normua aamma KASxxxx, tassani x-it ukiup aningaasarsiorfiusup ukiuanik taarserneqassallutik.

Pigisanit pissarsiat akileraarutaannik nunami allami, Danmarkimi Savalimmiuniluunniit akiliisimaganni taakku akileraarutissanit ilanngaatigineqarsinnaapput. Taamaassappat aningaasat akilerarummik akiliinermut atorneqartut soraarnerussutisiaqarnissamut aqqissuussinermut tiguneqarsimanersut tiguneqarsimannginnersulluunniit nalunaarneqassaaq, uppersaatissaalu Akileraartarnermut Aqutsisoqarfimmut nassiunneqassalluni.

Pigisanit pissarsiat akileraarutaat Akileraartarnermut Aqutsisoqarfiup inaarutaasumik naatsorsusavaa, akileraarullu minnaarlugu akilernerqarsimappat akiligassiissutigineqassaaq 1. september akilernerqartussanngorlugu, piffissaagallartillugulu akiliiffissaq kingulleq tassaassalluni 20. september. Akileraarut annaarlugu akilernerqarsimappat utertinneqassaaq, akileraarutillu qanoq akilernerqarsimanagera apeqqutaatillugu aningaasat soraarnerussutisiaqarnissamut aqqissuussinermut imaluunniit kontumut, nammineerluni nalunaarsuiffimmi nalunaarneqarsimasumut nuunneqassalluni.